



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

### Vbungen Christlicher Tugendten/ vnd Geistlicher Vollkommenheit

Rodríguez, Alonso

Cölln, 1666

Dedicatio.

[urn:nbn:de:hbz:466:1-46862](https://nbn-resolving.org/urn:nbn:de:hbz:466:1-46862)



DEDICATIO.

Der Wohl Ehrwürdigen/ vnd wohl Edelgebohrnen Frawen

3. JOANNÆ MARIAE

Gebohrnen von Rottkirchen ꝛc.

Nunmehr

MARIA JOSEPHA

DE IESV genandt/

Der hochlöblichen Congregation vnd Geistlichen Ordens-  
standes der Ursulineren wohlerwehnten vnd bestetigten Vorsteherinnen/  
meiner Großgünstigsten Frawen: sampt dero  
Vnderthanen.

**E**ine das Institut vnd Regulen Ewer geist-  
lichen Congregation vnd Ordensstandes bekandt ist/ muß  
gesehen vnd bekennen/ das diese Gottselige von den Ehrwe  
Patre Alphonso Rodericio beschriebene Vbungen dem  
selbigen so gar gemäh/ vnd ähnlich seyen/ als hette der Au-  
ctor in diesem Gottseligen Werck auff ihn sein gänzlich  
Absehen gehabt: welches doch keinem frembd bedüncken wird/ deme bewust/  
das ihres Ordens Regulen vnd Disciplin dem Institut der Societät Iesu  
(auff welche wohlgemelter Auctor fürnehmlich diese Vbungen gerichtet)  
gleichförmig seynd: darumb ich für gut erachtet/ dieses nunmehr zum drit-  
ten mahl von mir im Wittiben stande zum öffentlichen Truck (mit viel grö-  
serem Fleiß/ Verbesserung vnd Zierde/ als je vorhin) auffgelegtes Buch/  
Ewerem löblichen bis dato im ersten Cyffer vnd vnverschwächter Disciplin  
blühens

D E D I C A T I O

blühendem Ordenstandt/vnd zwar nahmentlich Ew: Wohl Ehrw: sampt ihren Vnderthanen zu dediciren/vnd zu Ehren auffzutragen. Darzu dan neben jez erwenter congruens vnd füglichkeit mich bewegt vnd angetrieben hat/die sonderbahre vnd auffrichtige meines Herzen neigung/ so ich jederzeit gegen Ew: Wohl Ehrw: vnd dero hochadlichem vnd vhraltem Geschlechte mit allem gebührendem respect vnd Dienstwilligkeit getragen: darauß auch ein grosse Frewd vnd wollgefallen bey mir entstanden/ als unlängst Ew: Wohl Ehrw: mit einhelliger Zusammenstimmung zur Vorsteherin ihrer geistlichen congregation vnd Versammlung erwöhlet seynd: vnd ergöset mich dieser von Gott erlangter Wunsch desto mehr/dieweil ich sehe/das alle ihre bisz annoch durch Göttliche Gnad in frischer Gesundheit lebende Vnderthanen nit weniger Trost vnd Hülff von Ew: Wohl Ehrw: geistlichem Regiment vnd direction spüre vnd erfahren: als diese ganze des H. Reichs freye Stadt Cöllen von dero selben vhralten Geschlechts politischer Regierung/ bey welcher sie nun von vielen hundert Jahren her sich nicht allein im Catholischen Glauben; sondern auch in ruhiger Einigkeit vnd Vollstandt befindet. Das also vnder anderen Gutthaten/ mit welchen Gott diese H. Stadt gesegnet/ nit die geringste zu seyn scheint/ in dem er das hochadliche Kottkirchisch Geschlecht zu dero fast immerwehrender Bürgermeisterlichen Regierung verordnet/vnd bisz hero erhalten hat.

Neben dem ist diesem meinem Vorhaben auch ein mercklicher Stachel vnd Antrieb gewesen/ das meine liebe Tochter Christina Elisabeth Weidenfeldts ihrem Göttlichen Beruff zu folg in diesen Ewren rühmlichen Ordenstandt sich verfüget / vnd in demselbigen mit gethaner öffentlichen Profession vermittelst Göttlichen beystandts zu verharren sich ewiglich hat verbunden. Vnd nach deme sie mit ihrem inständigem bitten vnd flehentlichem Anhalten meine Bewilligung darzu endlich erhalten/ hab demnächst hefftiger nichts gewünscht/vnd begehret/ als das sie ihrem Beruff gemäß einen recht tugendsamen Wandel vnd vollkommenes geistliches Leben (massen ihre Regulen vnd Statuten erfordern) sampt ihren Mitschwesteren vnder dieser ihrer gewünschter Obrikeit anstellen vnd führen mögte: darzu nit weniger ihr/ als dem ganzen Orden (wiewohl er sonst mit heylsamen Satzungen vnd Vnderweisungen gnugsam versehen) grosse Befürderung von diesem Buch wird geleistet werden / aller massen solches nicht  
allein

# D E D I C A T I O

allein nach vieler verständigen vnd geistreichen Personen Meynung / vor allen geistlichen Bächeren den Vorzug vnd Preis hat (weiles die kräftigste vnd füglichste Anleitung zum höchsten Gipffel der Vollkommenheit gibt / vnd gleichsam die hülffliche Hand darzu anbietet) sonderen auch (wie oben gemelbt) ihrem Institut ganz gemäß vnd gleichförmig ist ; daß also fast vnder allen anderen geistlichen Bächeren keins fruchtbarlicher / als eben dieses von Ewerem Stande könne gebraucht vnd practizieret werden. Der gütige Gott verleyhe / daß ich meiner intention gewünschte Früchten erlangen / vnd mich Ew: Wohl Ehrw: sampt dero lieben Vnderthanen Ansdacht vnd Fortgangs in allerhand Tugenden wollen theilhaftig machen. In welcher tröstlicher Hoffnung vnd Zuversicht verbleibe

Ew: Wohl Ehrw: vnd  
dero Vnderthanen

Edlin am  
im  
Jahr Christi  
1666.

Dienstwillige

Gertrud Rinckes / Wittib  
Weidenfeldts.